

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI ISNIN, 21 MAC 2016, PUKUL 10.00 PAGI

Bil. 9

PERTANYAAN-PERTANYAAN BAGI JAWAB LISAN

1. PR-1341-L72824
Datuk Raime bin Unggi [Tenom] minta **MENTERI PERUSAHAAN PERLADANGAN DAN KOMODITI** menyatakan pasaran minyak sawit di luar negara mengikut negara-negara yang dieksport sejak 2010 dan setakat mana peranan Palm Oil Research and Technical Institute of MPOB yang diwujudkan di Shanghai, China.
2. PR-1341-L73038
Tuan Loke Siew Fook [Seremban] minta **PERDANA MENTERI** menyatakan bagaimanakah peruntukan RM1,332,000,000 di bawah Butiran 93600 Projek Mesra Rakyat dibelanjakan dan apakah projek-projek spesifik yang akan dilaksanakan.
3. PR-1341-L71698
Dato' Haji Abdul Rahman bin Haji Mohamad [Lipis] minta **MENTERI PENDIDIKAN** menyatakan usaha dan perancangan holistik bagi mengurangkan bebanan tugas guru dan membolehkan guru memfokuskan kepada tugas hakiki dalam proses Pengajaran dan Pembelajaran (PdP).
4. PR-1341-L71940
Dato' Mansor bin Othman [Nibong Tebal] minta **MENTERI PENDIDIKAN TINGGI** menyatakan jumlah penyelidikan-penyelidikan sosio-ekonomi yang telah dijalankan oleh IPTA di sepanjang lima tahun kebelakangan ini (2010-2015). Nyatakan dapatan-dapatan kajian utama yang telah menjadi input penting kepada pembentukan dan pelaksanaan dasar pembangunan negara.
5. PR-1341-L73127
Datuk Liang Teck Meng [Simpang Renggam] minta **PERDANA MENTERI** menyatakan langkah yang diambil oleh Kementerian untuk mengatasi kemasukan pelarian (*refugees and asylum seekers*) serta langkah susulan agensi Kerajaan dalam mengurangkan peranan pertubuhan antarabangsa (*influences on local administration*). Adakah Kementerian bercadang untuk menubuhkan pusat daftar pelarian tanpa bergantung kepada agensi antarabangsa.

6. PR-1341-L73228
Tuan Ahmad Marzuk bin Shaary [Bachok] minta **MENTERI KESIHATAN** menyatakan status projek pembinaan Hospital Bachok yang belum menampakkan tanda-tanda kemajuan pembinaan di tapak, apakah pembinaannya sempat siap sebelum tarikh akhir Penggal Parlimen ke-13 ini.
7. PR-1341-L72335
Dato' Haji Zainudin bin Ismail [Jelebu] minta **MENTERI KERJA RAYA** menyatakan apakah Kementerian bercadang untuk menggunakan getah sebagai salah satu bahan utama pembinaan jalan raya di negara ini dan apakah masalah dan halangan kepada penggunaan teknologi ini.
8. PR-1341-L72070
Tuan Tan Kok Wai [Cheras] minta **PERDANA MENTERI** menyatakan bilangan pelarian dari setiap negara asal yang telah atau masih dalam perancangan Malaysia untuk menyediakan tempat tinggal buat mereka. Apakah keadaan semasa mereka yang sudah berada di Malaysia.
9. PR-1341-L73509
Datuk Koh Nai Kwong [Alor Gajah] minta **PERDANA MENTERI** menyatakan cara pelaksanaan Indeks Syariah dan senarai indikator yang menjadi ukuran penemuan dalam indeks ini dan hasil kajian tentang impak Indeks Jenayah Syariah kepada golongan bukan Islam.
10. PR-1341-L73557
Tuan Charles Anthony Santiago [Klang] minta **MENTERI PERDAGANGAN ANTARABANGSA DAN INDUSTRI** menyatakan langkah-langkah yang akan diambil oleh Kerajaan untuk memberikan persediaan kepada syarikat kecil dan sederhana Malaysia supaya dapat bermanfaat dari Perjanjian Perkongsian Trans-Pasifik.
11. PR-1341-L71764
Datuk Wee Jeck Seng [Tanjong Piai] minta **MENTERI PERUSAHAAN PERLADANGAN DAN KOMODITI** menyatakan apakah faedah yang diperolehi apabila Kementerian membuat keputusan untuk menyalurkan lebih banyak komoditi kelapa sawit kepada biodiesel.
12. PR-1341-L72551
Tuan Manivanan a/l Gowindasamy [Kapar] minta **MENTERI SUMBER MANUSIA** menyatakan :-
 - (a) apakah langkah-langkah Kerajaan Persekutuan untuk memastikan dasar negara untuk hanya mempunyai 15% pekerja asing dalam tenaga kerja menjelang tahun 2020. Apakah rasional Kerajaan Persekutuan untuk membawa masuk seramai 1.5 juta pekerja asing dari Bangladesh tatkala dasar negara menyarankan agar pekerja asing wajib dikurangkan menjelang tahun 2020; dan

- (b) senaraikan secara terperinci majikan-majikan tempatan dan persendirian yang telah meminta Kerajaan Persekutuan untuk membawa masuk seramai 1.5 juta pekerja asing dari Bangladesh. Apakah sektor-sektor yang dikatakan tidak digemari oleh pekerja tempatan dan akan dipenuhi oleh 1.5 juta pekerja asing dari Bangladesh.
13. PR-1341-L71608
Datuk Sapawi bin Ahmad Wasali [Sipitang] minta **MENTERI PERUSAHAAN PERLADANGAN DAN KOMODITI** menyatakan jumlah peruntukan disediakan kepada pekebun kecil di seluruh negara dan langkah-langkah diambil bagi membantu mereka, dalam menghadapi kejatuhan harga komoditi sejak kebelakangan ini.
14. PR-1341-L73458
Tuan Wong Ling Bui [Sarikei] minta **MENTERI PENDIDIKAN** menyatakan berapakah orang guru yang berasal dari Sarawak masih berkhidmat di Semenanjung Malaysia. Apakah halangan yang mereka hadapi yang mana mereka tidak dapat dipindahkan balik untuk berkhidmat di negeri Sarawak.
15. PR-1341-L73217
Datuk Rozman bin Isli [Labuan] minta **MENTERI PELANCONGAN DAN KEBUDAYAAN** menyatakan apakah Kementerian akan mewujudkan Jabatan Warisan Negara di Labuan bagi membantu mempromosikan khazanah sejarah yang banyak di sini kerana Labuan adalah destinasi utama pada zaman penjajahan kolonial hingga kini.
16. PR-1341-L72160
Tuan Idris bin Haji Ahmad [Bukit Gantang] minta **MENTERI PERDAGANGAN ANTARABANGSA DAN INDUSTRI** menyatakan apakah jaminan Kerajaan bahawa hak Bumiputera tidak tergugat dengan perjanjian TPPA yang telah ditandatangani memandangkan pencapaian Bumiputera masih ketinggalan dalam banyak segi.
17. PR-1341-L71743
Dato' Henry Sum Agong [Lawas] minta **MENTERI PERUSAHAAN PERLADANGAN DAN KOMODITI** menyatakan apakah program bantuan dan inisiatif Kementerian bagi membantu golongan petani yang menghadapi masalah akibat penurunan harga komoditi seperti getah, kelapa sawit dan lain-lain.
18. PR-1341-L72177
Datuk Mohd Idris bin Jusi [Batu Pahat] minta **PERDANA MENTERI** menyatakan langkah-langkah mengukuhkan kembali keyakinan rakyat khususnya para penyimpan bahawa Tabung Haji adalah diurus secara beramanah dan bertanggungjawab dan simpanan mereka selamat.

19. PR-1341-L73425
Datuk Wira Haji Ahmad bin Hamzah [Jasin] minta **MENTERI PERDAGANGAN ANTARABANGSA DAN INDUSTRI** menyatakan :-
- (a) langkah memacu kembali beberapa industri yang mengalami kesuraman ekoran ketidaktentuan pasaran global seperti industri petroleum, sawit dan gas; dan
 - (b) langkah memastikan industri elektrik dan elektronik terus berdaya saing dan menjadi faktor utama lonjakan eksport negara.
20. PR-1341-L72779
Tuan R. Sivarasa [Subang] minta **PERDANA MENTERI** menyatakan butiran dan perkembangan terbaru biasiswa bursari yang ditawarkan dan ditarik balik oleh Jabatan Perkhidmatan Awam (JPA) dan nyatakan rasional pembangunan pendidikan dikorbankan dan bukannya jumlah agensi di bawah JPM disusun semula dan dikurangkan.
21. PR-1341-L72257
Tan Sri Datuk Seri Panglima Annuar bin Musa [Ketereh] minta **MENTERI SUMBER MANUSIA** menyatakan tindakan Kementerian bagi menggalakkan penyertaan pekerja tempatan dan sektor yang dimonopoli oleh tenaga buruh asing seperti sektor pembinaan dan perkhidmatan keselamatan agar kebergantungan buruh asing mampu dikurangkan menjelang 2020 kelak.
22. PR-1341-L71754
Dr. Azman bin Ismail [Kuala Kedah] minta **MENTERI PENDIDIKAN TINGGI** menyatakan kesan pengurangan peruntukan kepada IPTA dalam Bajet 2016 dan semakan semula bajet ke atas IPTA kita, khususnya dalam mencapai Wawasan 2020.
23. PR-1341-L72707
Dato' Abd. Aziz bin Haji Sheikh Fadzir [Kulim Bandar Baharu] minta **MENTERI SUMBER MANUSIA** menyatakan berapakah jumlah pekerja separa mahir dalam negara ketika ini mengikut sektor dan apakah perancangan Kementerian dalam menghasilkan lebih ramai pekerja mahir dalam menuju Wawasan 2020.
24. PR-1341-L73162
Tuan Ahmad Baihaki bin Atiqullah [Kubang Kerian] minta **MENTERI PENDIDIKAN** menyatakan kenapa program tahunan Tilawah al-Quran Peringkat Sekolah-sekolah Rendah dan Menengah telah dibatalkan untuk tahun 2016 ini.
25. PR-1341-L71861
Tuan Khoo Soo Seang [Tebrau] minta **PERDANA MENTERI** menyatakan apakah kesan terhadap pelan pembangunan yang telah dirancang khususnya di kawasan-kawasan luar bandar akibat daripada kejatuhan nilai Ringgit secara mendadak.

26. PR-1341-L71983
Puan Teresa Kok Suh Sim [Seputeh] minta **MENTERI PENDIDIKAN** menyatakan sama ada Kerajaan akan mengotakan janji kepada yang dibuat oleh bekas Timbalan Perdana Menteri (Pagoh) untuk memberi derma RM4 juta kepada SJKC Chung Hua di Kota Kemuning. Apakah peruntukan tersebut akan dikeluarkan oleh Kementerian Pendidikan ataupun Jabatan Perdana Menteri.
27. PR-1341-L73284
Dato' Hasan bin Arifin [Rompin] minta **MENTERI TENAGA, TEKNOLOGI HIJAU DAN AIR** menyatakan kajian terkini mengenai situasi dan keadaan kesemua 41 empangan seluruh negara dari aspek, fungsi, tahap keselamatan dan boleh gunanya serta berikan jumlah kos untuk membaik pulih ataupun bina semula empangan yang terlibat.
28. PR-1341-L73590
Tuan Oscar Ling Chai Yew [Sibü] minta **MENTERI KEWANGAN** menyatakan adakah perlaksanaan GST bercanggah dengan kuasa autonomi Sarawak mengenai cukai jualan (*sales tax*). Bagaimanakah percanggahan ini diselesaikan. Sila senaraikan bagaimana Akta Sarawak yang perlu dipinda untuk pelaksanaan GST.
29. PR-1341-L72071
Dato' Haji Mohd Fasih bin Haji Mohd Fakeh [Sabak Bernam] minta **MENTERI DALAM NEGERI** menyatakan langkah Kerajaan bagi memastikan lebih 4.5 juta daripada 6.7 juta pekerja asing di negara yang masih belum mempunyai permit pekerjaan kerana memasuki negara ini secara haram di pelbagai sektor pekerjaan mendapat permit pekerjaan sewajarnya dan seterusnya membolehkan Kerajaan mengutip levi pekerja asing sebagaimana yang dikenakan ke atas 2.1 juta pekerja asing yang mempunyai permit masa kini dan setakat manakah penstrukturan semula sistem levi pekerja asing yang diperkenalkan baru-baru ini dapat meningkatkan pendapatan negara.
30. PR-1341-L72269
Dr. Haji Izani bin Haji Husin [Pengkalan Chepa] minta **MENTERI SUMBER ASLI DAN ALAM SEKITAR** menyatakan status pembinaan benteng hakisan ombak dari Pantai Cahaya Bulan hingga ke Kuala Besar.
31. PR-1341-L72528
Dato' Haji Irmohizam bin Haji Ibrahim [Kuala Selangor] minta **MENTERI DALAM NEGERI** menyatakan status pelaksanaan penempatan sementara 3,000 pelarian Syria di Malaysia yang mana Kerajaan telah menyatakan kesediaan untuk menerima pelarian Syria dalam tempoh tiga tahun akan datang bagi membantu meringankan krisis pelarian.
32. PR-1341-L73306
Dato' Dr. Tan Kee Kwong [Wangsa Maju] minta **MENTERI LUAR NEGERI** menyatakan tentang pencerobohan Tentera Republik China terhadap kawasan Beting Patinggi Ali (Lucina Shoals). Adakah wujud sebarang tindakan ketenteraan atau diplomatik.

33. PR-1341-L71642
Datuk Seri Panglima Haji Abdul Ghapur bin Haji Salleh [Kalabakan] minta **PERDANA MENTERI** menyatakan :-
- (a) berapakah nilai semasa saham Felda Global Venture dibandingkan dengan harga tertinggi yang pernah dicapai oleh FGV; dan
 - (b) apakah penyebab utama kemerosotan nilai saham tersebut.
34. PR-1341-L73416
Tuan Haji Khalid bin Abdul Samad [Shah Alam] minta **MENTERI PENGANGKUTAN** menyatakan status penyiasatan MH370 dan MH17 dan nyatakan keputusan yang dibuat hasil siasatan tersebut.
35. PR-1341-L71661
Dato' Wira Othman bin Abdul [Pendang] minta **MENTERI SUMBER MANUSIA** menyatakan berapakah jumlah graduan yang menganggur sekarang dan tindakan Kerajaan untuk membantu golongan ini bagi mendapatkan pekerjaan.
36. PR-1341-L72221
Tuan Wan Hasan bin Mohd Ramli [Dungun] minta **MENTERI DALAM NEGERI** menyatakan *Standard Operating Procedure (SOP)* pihak polis dalam penggunaan senjata api bagi menghadapi penjenayah berbanding orang awam yang mempertahankan diri daripada serangan penjenayah.
37. PR-1341-L72514
Datuk Haji Shabudin bin Yahaya [Tasek Gelugor] minta **MENTERI KEWANGAN** menyatakan adakah Kerajaan bercadang untuk mempertimbangkan dalam mengkaji semula dasar Bank Negara Malaysia (BNM) bagi memudahkan pelajar mendapatkan pinjaman pelajaran dari bank seperti yang disarankan oleh MARA.
38. PR-1341-L72369
Datuk Juslie bin Ajirol [Libaran] minta **MENTERI DALAM NEGERI** menyatakan :-
- (a) jumlah kawasan “panas” penagihan dadah yang dikenal pasti oleh Agensi Antidadah Kebangsaan Malaysia (AADK) bagi setiap negeri pada tahun 2011, 2012, 2013, 2014, 2015 dan tiga bulan pertama 2016.; dan
 - (b) apakah perancangan strategik AADK mendidik rakyat mengenai penyalahgunaan dadah membabitkan ahli kariah masjid, Rukun Tetangga dan persatuan belia.
39. PR-1341-L72562
Tuan V. Sivakumar [Batu Gajah] minta **MENTERI KEWANGAN** menyatakan selain daripada pendapatan isi rumah, apakah faktor-faktor lain yang menyebabkan seseorang itu hilang kelayakan untuk mendapat bantuan BR1M. Berapakah permohonan BR1M yang telah ditolak bagi tahun 2016, nyata secara pecahan berdasarkan sebab penolakan.

40. PR-1341-L72451
Puan Siti Zailah binti Mohd Yusoff [Rantau Panjang] minta **MENTERI SUMBER ASLI DAN ALAM SEKITAR** menyatakan bilakah cadangan tembatan banjir di sepanjang Sungai Golok, Rantau Panjang akan dibina kerana kesan limpahan air Sungai Golok setiap tahun merugikan penduduk tempatan.
41. PR-1341-L71657
Dr. Noor Azmi bin Ghazali [Bagan Serai] minta **MENTERI PERTANIAN DAN INDUSTRI ASAS TANI** menyatakan apakah tindakan Kementerian dalam menangani isu benih padi CL2 tidak diiktiraf di pasaran memandangkan hasil pengeluaran padi dikatakan merosot apabila benih padi CL2 yang tidak diiktiraf digunakan oleh pesawah dan adakah program NKEA berjaya meningkatkan hasil pengeluaran padi di daerah Kerian khususnya Parlimen Bagan Serai.
42. PR-1341-L72754
Tuan Che Mohamad Zulkifly bin Jusoh [Setiu] minta **PERDANA MENTERI** menyatakan langkah Kerajaan bagi memastikan sistem bayaran tiket termasuklah penggunaan mesin pengimbas kad 'Touch n Go' bagi perkhidmatan bas rapid agar benar - benar efisien.
43. PR-1341-L73336
Tuan Wong Chen [Kelana Jaya] minta **MENTERI DALAM NEGERI** menyatakan sama ada Low Taek Jho mempunyai sekurang-kurangnya satu passport Amerika Syarikat. Jika ya, adakah Kementerian akan melucutkan kewarganegaraannya selaras dengan Perkara 24 Perlembagaan Persekutuan.
44. PR-1341-L73067
Tuan Mohamed Hanipa bin Maidin [Sepang] minta **MENTERI KEWANGAN** menyatakan :-
- (a) berapakah jumlah sebenar keseluruhan kutipan GST yang Kerajaan perolehi sehingga 31 Disember 2015; dan
 - (b) dan daripada jumlah di (a) di atas , berapa jumlah yang telah dimasukkan ke dalam Kumpulan Wang Yang Disatukan (*Consolidated Fund*) dan berapakah pula jumlah yang TIDAK dimasukkan ke dalam Kumpulan Wang Yang Disatukan dan mengapa ia tidak dimasukkan dan dimana ia disimpan.
45. PR-1341-L72619
Puan Kasthuriraani a/p Patto [Batu Kawan] minta **MENTERI PEMBANGUNAN WANITA, KELUARGA DAN MASYARAKAT** menyatakan usaha serta inisiatif untuk menubuhkan satu Suruhanjaya Keganasan Rumahtangga dan Suruhanjaya Keganasan Terhadap Kanak-kanak memandangkan kes-kes penderaan kanak-kanak dan kes keganasan rumahtangga semakin meningkat. Jika tidak, mengapa.

46. PR-1341-L72636
Puan Nurul Izzah binti Anwar [Lembah Pantai] minta **PERDANA MENTERI** menyatakan :-
- (a) adakah Kerajaan akan mewujudkan praktis pengasingan kuasa eksekutif dan pihak pentadbiran dan bilakah Peguam Negara berhak menjadi ahli LTH, MAWIP dan PTPTN; dan
 - (b) alasan kepada pengumuman Peguam Negara menutup siasatan kes 1MDB.
47. PR-1341-L72677
Tuan Shamsul Iskandar bin Mohd Akin [Bukit Katil] minta **MENTERI SUMBER MANUSIA** menyatakan secara terperinci alasan pengambilan 1.5 juta pekerja asing Bangladesh:-
- (a) apakah tindakan ini ialah tindakan yang tepat dalam keadaan ekonomi gawat ; dan
 - (b) apakah benar Real Time Networking Sdn. Bhd. memonopoli urusan kemasukan warganegara Bangladesh untuk bekerja di Malaysia dan berapakah jumlah negara yang membekal pekerja asing.
48. PR-1341-L73196
Dato' Seri Abdul Hadi bin Awang [Marang] minta **MENTERI LUAR NEGERI** menyatakan bagaimanakah Kerajaan Malaysia menangani ancaman kuasa besar Amerika Syarikat dan China dan apakah kesan terhadap politik, ekonomi dan keselamatan negara.
49. PR-1341-L72989
Puan Rubiah binti Haji Wang [Kota Samarahan] minta **PERDANA MENTERI** menyatakan unjuran yang dilakukan oleh Kerajaan dalam menentukan taraf hidup rakyat Malaysia kini yang dikatakan pendapatan RM3 ribu ke bawah merupakan taraf miskin bandar dan bagaimanakah kaedah bagi membantu meningkatkan kualiti hidup dan pendapatan mereka ini.
50. PR-1341-L72356
Dr. Hajah Siti Mariah binti Mahmud [Kota Raja] minta **MENTERI DALAM NEGERI** menyatakan bagaimana Kerajaan merancang untuk membentasi gejala sosial seperti pelacuran yang semakin menjadi akibat kehadiran pekerja lelaki (PADI dan PATI).
51. PR-1341-L72155
Dr. Michael Jeyakumar Devaraj [Sungai Siput] minta **MENTERI TENAGA, TEKNOLOGI HIJAU DAN AIR** menyatakan usaha-usaha yang sedang diambil oleh pihak Tenaga Nasional Berhad untuk menjana kuasa elektrik daripada tenaga pasang-surut air laut (*tidal*), kuasa angin, tenaga solar dengan memakai kaedah *photo-voltaic* dan daripada kepanasan matahari melalui kaedah mencairkan garam.

52. PR-1341-L72122
Dr. Ko Chung Sen [Kampar] minta **MENTERI SUMBER ASLI DAN ALAM SEKITAR** menyatakan :-
- (a) senarai syarikat-syarikat yang telah dikenal pasti oleh Singapura dan Indonesia sebagai terlibat dalam pembakaran terbuka yang menyumbang kepada jerebu pada tahun 2015; dan
 - (b) apakah tindakan yang akan diambil terhadap syarikat-syarikat yang menyebabkan krisis jerebu tahunan ini.
53. PR-1341-L72450
Ust. Datuk Dr. Mohd. Khairuddin bin Aman Razali [Kuala Nerus] minta **MENTERI DALAM NEGERI** menyatakan senarai nama penerbit dan penerbitan yang telah dikenakan Perintah Larangan menurut Seksyen 7 (1) Akta Mesin Cetak dan Penerbitan 1984 pada tahun 2015.
54. PR-1341-L73397
Dato' Fauzi bin Abdul Rahman [Indera Mahkota] minta **MENTERI DALAM NEGERI** menyatakan anggaran Kerajaan atas jumlah Pendatang Asing Tanpa Izin yang berada di dalam negara kita. Sila nyatakan pecahan mengikut kewarganegaraan dan jantina mereka.
55. PR-1341-L72120
Dr. Ko Chung Sen [Kampar] minta **MENTERI KEWANGAN** menyatakan :-
- (a) sama ada 1MDB berdaftar untuk GST, dan apakah jualan 1MDB dan berapakah GST di kumpul hasil jualan tersebut; dan
 - (b) berapakah jumlah GST yang dipungut daripada jualan Edra Tenaga dan satu plot tanah di Tun Razak Exchange (TRX) kepada Tabung Haji.
56. PR-1341-L73579
Tuan Er Teck Hwa [Bakri] minta **MENTERI PENGANGKUTAN** menyatakan lokasi PUSPAKOM yang telah beroperasi, akan beroperasi dan tidak mendapat sambutan dari tahun 2011 hingga 2016.
57. PR-1341-L73174
Tuan Lim Guan Eng [Bagan] minta **MENTERI SUMBER ASLI DAN ALAM SEKITAR** menyatakan perkembangan permohonan Kerajaan Negeri Pulau Pinang berhubung kelulusan peruntukan RM997 juta bagi mengatasi masalah perparitan dan banjir di negeri ini. Sekiranya ditolak, berikan sebabnya. Senaraikan jumlah peruntukan bagi permasalahan sama yang diberikan kepada negeri-negeri lain sejak tahun 2010 hingga kini. Apakah kriteria dan syarat yang diteliti.
58. PR-1341-L72319
Datuk Noor Ehsanuddin bin Mohd Harun Narrashid [Kota Tinggi] minta **PERDANA MENTERI** menyatakan apakah langkah-langkah Kerajaan untuk mempertingkatkan lagi tahap perpaduan di kalangan masyarakat Malaysia pada hari ini.

59. PR-1341-L72979
Dato' Ir. Haji Nawawi bin Ahmad [Langkawi] minta **MENTERI PENDIDIKAN TINGGI** menyatakan langkah-langkah pihak Kementerian dalam memperincikan semula kursus-kursus sedia ada yang terdapat di Institut Pengajian Tinggi (IPT) mengikut kehendak keperluan industri pada masa kini dalam mengelakkan lambakan pelajar lepasan universiti menganggur.
60. PR-1341-L72385
Tuan Tony Pua Kiam Wee [Petaling Jaya Utara] minta **MENTERI KEWANGAN** menyatakan sama ada Bank Negara (BNM) berpuas hati dengan tindakan susulan yang telah diambil oleh 1MDB selepas BNM menarik balik kelulusan yang diberikan untuk melabur sebanyak US\$1.83 bilion ke luar negeri dan mengarahkan supaya 1MDB memulangkan wang tersebut ke Malaysia.
61. PR-1341-L72212
Dato' Ahmad Fauzi bin Zahari [Setiawangsa] minta **MENTERI WILAYAH PERSEKUTUAN** menyatakan apakah tindakan yang dilakukan bagi menghapuskan lambakan pusat perjudian dan pusat refleksologi yang menawarkan khidmat pelacuran yang semakin banyak di Kuala Lumpur.
62. PR-1341-L72896
Tuan Sim Chee Keong [Bukit Mertajam] minta **MENTERI DALAM NEGERI** menyatakan jumlah levi dan apa-apa penerimaan, sila senaraikan jenis, oleh kerajaan bagi pengimportan pekerja migran, contohnya levi, fi, dan lain-lain. Sila berikan statistik tersebut dari 2010-2015.
63. PR-1341-L72436
Datuk Ikmal Hisham bin Abdul Aziz [Tanah Merah] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan apakah langkah yang dilakukan bagi memastikan Kad Siswa 1Malaysia benar-benar memberi manfaat kepada penerima termasuklah dari segi penggunaan Baucer Buku 1Malaysia.
64. PR-1341-L72795
Dato' Seri Dr. Wan Azizah binti Wan Ismail [Permatang Pauh] minta **PERDANA MENTERI** menyatakan ekor an kejatuhan harga minyak 2015-2016, berapakah nilai kemerosotan pendapatan Petronas, pengurangan cukai Petronas kepada Kerajaan dan kesan pembayaran royalti kepada Terengganu dan Sarawak dan jumlah pemberhentian pekerja oleh Petronas dan langkah menangani masalah pemberhentian pekerja tersebut.
65. PR-1341-L72877
Datuk Hajah Norah binti Abd Rahman [Tanjong Manis] minta **MENTERI PERTANIAN DAN INDUSTRI ASAS TANI** menyatakan sama ada Kementerian dapat menyediakan dana untuk membangunkan sebuah Pusat Pengagihan Pertanian Bersepadu dan Pusat Latihan Industri Hiliran di Pulau Bruit bagi membantu menaik taraf ekonomi rakyat terutamanya nelayan setempat yang memasarkan hasil kepada orang tengah disebabkan mereka tidak mempunyai bilik sejuk dan kilang ais untuk menyimpan hasil tangkapan.

ATURAN URUSAN MESYUARAT DAN USUL-USUL

1. **Usul dibuat oleh Yang Berhormat Tuan Haji Ahmad Lai bin Bujang [Sibuti] dan masalah dicadangkan :-**

“ Bahawa suatu ucapan yang tidak sepertinya dipersembahkan kepada Seri Paduka Baginda Yang di-Pertuan Agong, demikian bunyinya:-

“ Ampun Tuanku,

Patik, Yang di-Pertua dan Ahli-ahli Dewan Rakyat Malaysia di dalam Persidangan Parlimen, memohon ampun mempersembahkan suatu ucapan yang ikhlas daripada Majlis Dewan Rakyat mengucapkan berbanyak-banyak syukur dan menjunjung kasih kerana Titah Ucapan Seri Paduka Baginda semasa membuka Penggal Keempat, Parlimen Yang Ketiga Belas.”

Menyambung semula Perbahasan atas masalah (17 Mac, 2016)

- | | | | |
|----|----------------|--|-------------------------------|
| 2. | (D.R. 36/2015) | Rang Undang-undang Keselamatan Sosial Pekerja (Pindaan) 2015 | Bacaan Kali Yang Kedua |
| | | [Menteri Sumber Manusia] | |
| 3. | (D.R. 30/2015) | Rang Undang-undang Syarikat 2015 | “ |
| | | [Menteri Perdagangan Dalam Negeri, Koperasi dan Kepenggunaan] | |
| 4. | (D.R. 29/2015) | Rang Undang-undang Skim Kepentingan 2015. | “ |
| | | [Menteri Perdagangan Dalam Negeri, Koperasi dan Kepenggunaan] | |
| 5. | (D.R. 34/2015) | Rang Undang-undang Dadah Berbahaya (Langkah-Langkah Pencegahan Khas) (Pindaan) 2015. | “ |
| | | [Menteri Dalam Negeri] | |
| 6. | (D.R. 37/2015) | Rang Undang-undang Profesion Undang-undang (Pindaan) 2015 | “ |
| | | [Menteri di Jabatan Perdana Menteri] | |

7. (D.R. 39/2015) Rang Undang-undang Kanak-Kanak “
(Pindaan) 2015

**[Menteri Pembangunan Wanita,
Keluarga dan Masyarakat]**
8. (D.R.9/2015) Rang Undang-undang Kanun Tatacara “
Jenayah (Pindaan) 2015

[Menteri di Jabatan Perdana Menteri]
9. (D.R.12/2015) Rang Undang-undang Keterangan “
(Pindaan) 2015

[Menteri di Jabatan Perdana Menteri]
10. (D.R.1/2016) Rang Undang-Undang Bekalan Gas “
(Pindaan) 2016

[Menteri di Jabatan Perdana Menteri]
11. (D.R.35/2015) Rang Undang-undang Persaingan “
(Pindaan) 2015

**[Menteri Perdagangan Dalam Negeri,
Koperasi dan Kepenggunaan]**

12. PR-1341-U72985
Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa pembangunan infrastruktur di negeri Sabah masih jauh ketinggalan berbanding dengan negeri-negeri lain di Malaysia. Dan mengambil maklum juga bahawa negeri Sabah memerlukan lebih banyak dana demi untuk membangunkan kemudahan infrastruktur terutama sekali di kawasan luar bandar serta keperluan-keperluan lain seperti masalah tebatan banjir, projek perumahan rakyat termiskin dan lain-lain. Dan mengambil maklum juga bahawa rakyat negeri Sabah juga beraspirasi seperti rakyat negeri Sarawak, sepertimana yang dinyatakan oleh YAB Tan Sri Adenan Satem (Ketua Menteri Sarawak) ingin memohon agar royalti minyak dapat dinaikkan kepada kadar 20%. Dan mengambil maklum juga, sekiranya royalti minyak dinaikkan pada kadar 20%, maka dengan lebihan dana tersebut, kerajaan negeri Sabah akan dapat melaksanakan keperluan-keperluan di atas dengan lebih baik dan cepat lagi. Maka, bagi meredakan rungutan dan tuntutan rakyat negeri Sabah, maka Dewan yang mulia ini hendaklah mengambil ketetapan bahawa Kerajaan Malaysia menaikkan kadar royalti minyak bagi negeri Sabah kepada kadar 20% dan sekaligus membolehkan negeri Sabah membangun dengan lebih pesat lagi."

[Perdana Menteri]

13. PR-1341-U73002

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa kesesakan Jalan Putatan merupakan rungutan hampir setiap pengguna jalan tersebut. Dan mengambil maklum juga bahawa Jalan Putatan merupakan sebahagian daripada rangkaian Jalan Pan Borneo Highway yang mana sepatutnya mendapat perhatian utama dan bebas kesesakan. Dan mengambil maklum juga, bahawa kesesakan Jalan Putatan juga disebabkan rekabentuk yang kurang baik di mana terdapat terlalu banyak U-Turn dan simpang, yang menjadi penyebab utama kelancaran aliran trafik selain menjadi punca kemalangan. Dan mengambil maklum juga, bahawa kesesakan Jalan Putatan dapat diatasi dengan membina sebatang Jalan Pantai (Coastal Highway) alternatif yang menghubungkan pekan Tanjung Aru dengan Pekan Kinarut. Dan mengambil maklum juga bahawa, sekiranya jalan pantai alternatif yang dimaksudkan dibina, ianya juga boleh membantu untuk mengelakkan hakisan pantai di sepanjang laluan tersebut. Dan mengambil maklum juga bahawa, untuk membina jalan baru sebagai laluan alternatif bagi Jalan Putatan akan menelan belanja yang besar terutama sekali bagi tujuan pampasan tanah yang dilalui. Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah membina jalan pantai alternatif bagi Jalan Putatan demi untuk kesejahteraan rakyat yang menggunakan laluan tersebut."

[Menteri Kerja Raya]

14. PR-1341-U73023

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa keengganan Kerajaan Persekutuan untuk mengiktiraf keputusan Peperiksaan Unified Examination Certificate (UEC) telah menimbulkan banyak kontroversi dan masalah terutama sekali kepada pelajar dan ibu/bapa pelajar yang terlibat. Dan mengambil maklum juga bahawa Negeri Sarawak merupakan negeri pertama di negara ini yang mengiktiraf keputusan peperiksaan UEC sepertimana yang diumumkan oleh YAB Tan Sri Adenan Satem dan sekali gus membolehkan pelajar terlibat meneruskan pengajian mereka dengan tanpa halangan di negeri Sarawak, misalnya di Universiti Malaysia Sarawak. Dan mengambil maklum juga bahawa dengan keengganan Kerajaan Malaysia untuk mengiktiraf keputusan peperiksaan UEC, pelajar yang terlibat terpaksa meneruskan pendidikan mereka di luar negara dan seterusnya bekerja serta menetap di luar negara adalah merupakan kerugian besar negara sebagaimana yang ditekankan oleh YAB Ketua Menteri Sarawak. Dan mengambil maklum juga, bahawa ramai pelajar dan ibu/bapa menganggap bahawa polisi untuk tidak mengiktiraf keputusan peperiksaan UEC ini bersifat diskriminasi di mana pelajar tersebut tidak berpeluang untuk berkhidmat dengan sektor awam di Malaysia."

Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah mengiktiraf keputusan peperiksaan Unified Examination Certificate bagi membolehkan pelajar yang terlibat meneruskan pendidikan mereka di negara ini serta berkhidmat di sektor awam di negara ini."

[Menteri Pendidikan]

15. PR-1341-U73036

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa kualiti air Sungai Sembulan adalah amat tercemar dan tidak sihat sama ada bagi hidupan marin mahupun bagi ekosistem marin negara ini. Dan mengambil maklum juga bahawa Sungai Sembulan merupakan rangkaian akhir aliran air dari beberapa siri saliran dan parit daripada beberapa taman perumahan yang berpenduduk padat, sebelum aliran air dilepaskan ke laut. Dan mengambil maklum juga bahawa kebanyakan sistem merawat air kumbahan yang ada di kawasan perumahan yang terlibat tidak lagi efisien untuk merawat air kumbahan tersebut sebelum dilepaskan ke saliran-saliran atau parit-parit yang akhirnya mengalir ke Sungai Sembulan sebelum berakhir ke laut. Dan mengambil maklum juga bahawa sebahagian besar terumbu karang di sekitar perairan negeri Sabah telah musnah disebabkan oleh aktiviti manusia seperti pelepasan air kumbahan yang tidak terawat ke laut. Diketahui bahawa kemusnahan terumbu karang (Coral Bleaching) merupakan satu daripada penyebab utama pemanasan global. Dan mengambil maklum juga bahwa negara Malaysia adalah merupakan salah sebuah negara penyokong dan pendokong gerakan United Nation Environment Programme (UNEP) sesuai dengan deklarasi Global Climate Change Conference, Copenhagen 2009. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah menyediakan satu dana khas bagi tujuan pembinaan loji rawatan air kumbahan di sekitar Sungai Sembulan sebelum air sungai tersebut dilepaskan ke laut bagi menyelamatkan ekosistem laut negara ini."

[Menteri Sumber Asli dan Alam Sekitar]

16. PR-1341-U71877

Tuan M. Kulasegaran [Ipoh Barat] akan mencadangkan:-

"Bahawa Dewan ini hendaklah mengambil maklum bahawa rang undang-undang harus digubal untuk mengelakkan kes penukaran agama kanak-kanak di bawah umur secara unilateral dengan adanya penguatkuasaan undang-undang yang sewajarnya serta berpadanan dengan nasihat Kabinet pada 2009 iaitu kanak-kanak dikekalkan agama asal mereka sebelum penukaran agama itu berlaku."

[Perdana Menteri]

17. PR-1341-U73419

Dr. Tan Seng Giaw [Kepong] akan mencadangkan:-

"Bahawa Dewan akan membincangkan keberkesanan Malaysia mencegah serangan ganas."

[Menteri Dalam Negeri]

18. PR-1341-U71858

Tuan Fong Kui Lun [Bukit Bintang] akan mencadangkan:-

"Bahawa Kerajaan mempergiatkan usaha untuk menyatupadukan rakyat berbilang kaum di Malaysia yang kelihatan masih lemah dan longgar meskipun negara telah menjadi negara merdeka dan berdaulat sejak 58 tahun lalu supaya mereka boleh hidup dengan aman dan saling memerlukan dan memahami bagi memudahkan mereka membangunkan ekonomi negara secara bersama dan merealisasikan impian Malaysia."

[Perdana Menteri]

19. PR-1341-U71862

Tuan Fong Kui Lun [Bukit Bintang] akan mencadangkan:-

"Bahawa Kerajaan memulihkan pilihan raya kerajaan tempatan seluruh negara supaya urus tadbir Kerajaan menjadi lebih cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat."

[Menteri Kesejahteraan Bandar, Perumahan dan Kerajaan Tempatan]

20. PR-1341-U71883

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum serta menyedari bahawa Lembaga Tabung Haji adalah sebuah institusi kewangan yang penuh dengan kejayaan dan amat membanggakan rakyat Malaysia khususnya umat Islam. Institusi ini juga menjadi contoh untuk negara Islam yang lain ikuti. Maka ianya mesti dijaga dengan penuh ketelusan dan amanah. Sebarang penyelewangan wajib diambil tindakan pantas dan menyeluruh dan jika ianya runtuh maka orang yang mesti dipersalahkan ialah Perdana Menteri."

[Perdana Menteri]

21. PR-1341-U71884

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum bahawa Yayasan Pembangunan Ekonomi Islam Malaysia (YaPEIM) sebuah pertubuhan yang mendapat sokongan umat Islam di Malaysia."

Yayasan ini tertegak dengan niat yang penuh suci bagi membangunkan ekonomi umat Islam di samping menolong mereka yang tidak bernasib baik. Oleh sebab itu sokongan berterusan dari individu dan institusi kepada Yayasan ini membuktikan umat Islam negara ini amat prihatin dengan apa yang terjadi dalam masyarakat Islam. Tetapi membiarkan segelintir individu mengambil kesempatan dari kejayaan Yayasan ini hendaklah dikutuk sekeras-kerasnya. Tindakan lembab oleh Menteri dan Kerajaan dalam memantau perjalanan kewangan Yayasan ini juga harus menerima celaan. Sepatutnya semua pihak yang membelanjakan wang YaPEIM bukan pada tempatnya walaupun 'legally right' tetapi tetap 'morally wrong', mesti bertanggung jawab dan meletakkan jawatan atas kadar segera."

[Perdana Menteri]

22. PR-1341-U71886

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum kehidupan rakyat makin dihipit dengan harga barangan yang makin naik dan tidak terkawal akibat pengenalan cukai GST dan pengecilan nilai Ringgit. Semua rakyat di setiap lapisan masyarakat amat merasai keadaan ini. Kerajaan harus bertindak berani seperti yang pernah dilakukan oleh Mantan Perdana Menteri Tun Dr Mahathir Mohamad bila negara menghadapi masalah ekonomi yang mencemaskan pada penghujung tahun 90an. Tindakan utama yang mesti diambil sekarang ialah dengan mengurangkan perbelanjaan di Jabatan Perdana Menteri dan Kerajaan mesti mengamalkan sikap berjimat cermat di semua peringkat pentadbiran negara."

[Menteri Kewangan]

23. PR-1341-U71888

Dato' Johari bin Abdul [Sungai Petani] akan mencadangkan:-

"Bahawa Dewan ini menggesa Kementerian Pendidikan mengambil langkah-langkah segera supaya pelajar-pelajar kita mempunyai pengetahuan dan kebolehan bertutur dalam banyak bahasa terutamanya Bahasa Inggeris, Arab dan Mandarin akan membantu pelajar-pelajar kita bila meninggalkan alam persekolahan dan universiti nanti. Bahasa ini amat luas digunakan dalam kegiatan harian dan perniagaan dalam negeri dan luar negara. Majikan pasti akan mengambil pekerja yang berkebolehan lebih dari satu bahasa, kerana ianya akan menguntungkan majikan dalam banyak aspek. Ketiga-tiga bahasa ini bukanlah sesuatu yang asing bagi kita. Kerajaan harus melihat bagaimana mengintegrasikan pengajaran bahasa-bahasa ini ke dalam sistem pendidikan yang sedia ada. Bayangkan seorang anak Malaysia fasih berbahasa Inggeris, Arab, Mandarin dan dapat mengungkapkan Bahasa Malaysia yang teratur. Sayang sekali apa yang kita sedia ada tidak dimanfaatkan untuk generasi akan datang."

[Menteri Pendidikan]

24. PR-1341-U71890

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum data jumlah pendatang asing yang berdokumen dan tidak berdokumen akan berbeza dari satu agensi kerajaan dengan agensi yang lain. Malah Menteri sendiri menjawab dalam Dewan Parlimen dengan menggunakan perkataan "ini anggaran". Ini bermaksud tiada siapa yang mempunyai data sebenar tentang berapa jumlah Bukan Rakyat Malaysia yang berada di sini. Ini amat membahayakan negara. Kerajaan mesti mengambil tindakan yang berterusan bagi mendaftar mereka yang tidak berdokumen. Tindakan mendaftar dengan mengambil tindakan undang-undang terhadap mereka adalah dua perkara yang berbeza. Yang penting adalah setiap manusia yang berada di negara ini mesti mempunyai dokumen. Tindakan segera mesti diambil dan mestilah berterusan."

[Menteri Dalam Negeri]

25. PR-1341-U72582

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gejala pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu dketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama."

[Menteri Kesejahteraan Bandar, Perumahan dan Kerajaan Tempatan]

26. PR-1341-U72584

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan."

[Menteri Dalam Negeri]

27. PR-1341-U72589

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Menteri Pendidikan]

28. PR-1341-U72617

Tuan Chua Tian Chang @ Tian Chua [Batu] akan mencadangkan:-

"Bahawa Dewan ini akan menggesa Kerajaan untuk menegakkan prinsip berkecuali sebagaimana yang ditetapkan dalam Non-Alliance Movement (NAM) dan menegaskan bahawa Malaysia tidak akan mengambil bahagian atau menghantar askar untuk menyertai gabungan tentera yang dipimpin Arab Saudi dalam serangan terhadap Yemen, Syria atau mana-mana negara di Timur Tengah."

[Menteri Luar Negeri]

29. PR-1341-U72624

Tuan Chua Tian Chang @ Tian Chua [Batu] akan mencadangkan:-

"Bahawa Dewan ini menggesa Kerajaan untuk membantu penganggur dengan menyediakan bantuan kewangan secara tunai sebanyak RM1200 sebulan untuk tempoh 3 bulan selepas diberhentikan. Skim ini membolehkan pekerja-pekerja yang menganggur menjamin sara hidup mereka sewaktu mencari pekerjaan baru."

[Menteri Sumber Manusia]